

**ORDENANTZA FISKALA, UDALAREN ERABAKIETAN, ORDENANTZETAN ETA BESTELAKO ARAUETAN  
AURREIKUSITAKO IKUSKAPENAK ZEIN AZTERTZEKO ETA KONTROLATZEKO BESTELAKO ESKU-  
HARTZEAK DIRELA MEDIO ORDAINDU BEHARREKO TASAK ARAUTZEN DITUENA  
12. ordenantza**

Oinarria

1. artikulua.- Ordainarazpen hau Nafarroako Toki Ogasunei buruzko martxoaren 10eko 2/1995 Legearen Lehen Tituluko IV. Kapituluako 7. Atalean xedatutakoari jarraikiz eta haren 12. artikuluan emandako baimenaren babesean ezarri da.

Zergapeko egitatea

2. artikulua.- Zergapeko egitatea Udaleko langileen jardunak zedarrizko du, xede hauek erdieste aldera:

a) Egiaztatzea orpoz orpo betetzen dela Osasunari buruzko Ordenantzetan nahiz jarduera sailkatuei dagozkien arauetan eta Udalaren gainerako ordenantza, erabaki eta aplikatu beharreko bestelako arauetan ezarritakoa, uste bada arau-hausterik izan dela edo arauak bete ez direla.

b) Eraikinen azterketak segurtasun-baldintzak direla medio, eta ikuskapenak aurri-espedituetan.

c) Administrazioaren esku-hartzea erabilera kolektiboko igerilekuen funtzionamendua kontrolatzeko.

3. artikulua.- Ordenantza honetan, hauek ez dira zergapeko egitate:

a) Udal-zerbitzuek ofizios egindako ikuskapenak, dela arauak eskaturik dela zerbitzu jakin batek programaturiko jardunaren parte direlako.

b) Salaketa baten ondorioz egindako ikuskapenak, salbu 5. artikulua c) idatzi-zatian ezarritako kasuetan.

Tasaren sortzapena

4. artikulua.- Tasa kasuan kasuko espeditentea edo jarduera ikuskatzeko edo bertan esku hartzeko zer udal-langileri eskatu eta horrek egindako ikuskapen edo esku-hartzeek sortuko dute, edo erabilera kolektiboko igerileku baten kanpaina bakoitzari begirako funtzionamenduari buruzko erantzukizuneko aitortenaren edukien egiaztapenak.

Tasa ezartzeko orduan, ikuskapen edo esku-hartze gisara joko da udal-langileek ikuskapena edo esku-hartzea non egin behar duten eta haraino joan izana, nahiz, gero, ikuskapena edo esku-hartzea egin behar duten tokira sartzen utzi ez.

Subjektu pasiboak

5. artikulua.- Honako hauek dute ordaintzeko betebeharra:

a) Ikuskapena edo esku-hartzea zein jarduerak eragin eta horren titularrak diren pertsona natural edo juridikoak.

b) Ikuskapenaren xede diren eraikin, establezimendu, etxe, lokal edo beste zenbaiten jabeak, baldin eta arau-haustean zerikusirik badute.

c) Salatzailea bera, salaketa justifikatu gabe eta ausarkeriaz aurkeztu badu, edo nabarmen funtsik gabe, betiere txosten tekniko baten arabera.

d) Higiezinaren jabea, aurri-espeditenteei dagozkien ikuskapenetan.

Tarifak

6. artikulua.- Tarifak eta horien karga-oinarriak Ordenantza honen eranskinean daude jasota.

Tasaren kudeaketa

7. artikulua.- 1) Ikuskariek bisitaldia egin izanaren berri emango diote behar den departamentuari, likidazioa egiteko beharrezkoak diren datuekin batera, eta salaketa, kasuan-kasuan, ausartegizat edo arrazoitu gabetzat jotzen den adierazita, eta departamentu horrek kasuari dagokion likidazioa egiten du, horri, egoki joz gero, zehapena gehituta, eta behar den organoari proposatuko dio onesteko.

Behin onetsita, betebeharra duen pertsonari jakinaraziko zaio, eta horrek kuota jakinarazi eta ondorengo hilabetearen barnean ordaindu beharko du. Ordaintzen ez badu, premiamendu bidez kobratzeari ekingo zaio, bestelako oharririk egin gabe.

2) Erabilera kolektiboko igerileku baten kanpaina bakoitzari begirako funtzionamenduari buruzko erantzukizuneko aitortenaren kasuan, subjektu pasiboak aurkeztuko ditu, erantzukizuneko aitortenarekin batera, autolikidazio-agiria –behar bezala beterik– eta ordainagiria.

Arau-haustea eta zehapenak

8. artikulua.- Arau-hausteei eta zehapenei dagokienez, Kudeaketarako, Diru-bilketarako eta Ikuskapenerako Ordenantza Fiskalean ezarritakoari egiten zaio men.

**TARIFA-ERANSKINA**

Ikuskapenek sortzen dituzten tasak honako hauek dira:

<b>I. Epigrafea.- EGIAZTATZEA ORPOZ ORPO BETETZEN DELA OSASUNARI BURUZKO ORDENANTZETAN NAHIZ JARDUERA SAILKATUEI DAGOKIEN ARAUETAN ETA UDALAREN GAINERAKO ORDENANTZA, ERABAKI ETA APLIKATU BEHARREKO BESTELAKO ARAUETAN EZARRITAKOA, USTE BADA ARAUAK BETE EZ DIRELA EDO ARAU-HAUSTERIK IZAN DELA.</b>	
- Ikuskaldi bakoitzagatik	101,15 euro
<b>II. EPIGRAFEA.- ERAIKINEN AZTERKETAK SEGURTASUN-BALDINTZAK DIRELA MEDIO, ETA IKUSKAPENAK AURRI-ESPEDIENTEETAN.</b>	
- Ikuskapen bakoitzagatik, betiere, gutxienez, arkitekto edo aparejadore baten 1,5 lanordu kontatuta	78,25 euro
- Denbora gehiago behar izanez gero, ordu bakoitzeko	34,40 euro
<b>III. EPIGRAFEA.- ADMINISTRAZIOAREN ESKU-HARTZEAK ERABILERA KOLEKTIBOKO IGERILEKUEN FUNTZIONAMENDUA KONTROLATZEKO.</b>	
- Funtzionamenduari buruzko erantzukizuneko aitorten baten kontrol bakoitzagatik:	164,80 euro
- Subjektu pasiboari egotz dakioken ikuskapen-bisita osagarri bakoitzagatik	101,15 euro